

Mahathir duduk sama perwakilan

KUALA LUMPUR 28 Sept. — Presiden UMNO, Datuk Sri Dr. Mahathir Mohamad dan timbalannya, Datuk Musa Hitam telah menarik perhatian para perwakilan Perhimpunan Agung UMNO di Kompleks UMNO Malaysia hari ini apabila mereka turun dari pentas Majlis Tertinggi untuk duduk bersama dengan mereka.

Semasa wakil UMNO dari Perlis, Puan Mastika Junaidah Hussein sedang berucap dalam perbahasan usul ekonomi, Datuk Musa telah turun dari pentas bagi Majlis Tertinggi ke tempat duduk perwakilan dan duduk bersama beberapa perwakilan.

Tidak lama kemudian, Datuk Sri Dr. Mahathir pula turun ke bawah dan pergi ke bahagian belakang Dewan Merdeka kemudian duduk di sebuah kerusi dalam satu barisan perwakilan kosong.